

**«ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ»
ՀԻՄՆԱԴՐԱՄԻ
ՎՃԱՐՈՎԻ ՀԱՄԱԿԱՐԳՈՒՄ ՍՈՎՈՐՈՂՆԵՐԻ ՈՒՍՄԱՆ ՎՃԱՐԻ (ԼՐԻՎ ԵՎ ՄԱՍՆԱԿԻ),
ՊԵՏՈՒԹՅԱՆ ԿՈՂՄԻՑ ՈՒՍՄԱՆ ՎԱՐՁԱՎՃԱՐԻ ԼՐԻՎ ՓՈԽՀԱՏՈՒՑՄԱՆ
(ՓՈԽԱՏԵՐՄԱՆ) ԵՎ ՆԵՐԲՈՒՀԱԿԱՆ ԱՆՎԱՆԱԿԱՆ ԿՐԹԱԹՈՇԱԿՆԵՐԻ ՀԱՏԿԱՑՄԱՆ
ՔԱՂԱՔԱԿԱՆՈՒԹՅՈՒՆԸ ԵՎ ԸՆԹԱՑԱԿԱՐԳԸ**

ՆԱԽԱԲԱՆ

«Հայաստանի ֆիզիկական կուլտուրայի և սպորտի պետական ինստիտուտ» հիմնադրամը (այսուհետ՝ Ինստիտուտ) կրթության կազմակերպման հաջողություններից է համարում սովորողների բարձր առաջադիմությունը և ըստ առաջադիմության խրախուսման արդյունավետ համակարգի ներդրումը:

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն քաղաքականությամբ և ընթացակարգով սահմանվում է Ինստիտուտի տեսլականը, սկզբունքները, նպատակը և խնդիրները, սովորողների ուսման վարձավճարի (լրիվ և մասնակի) փոխհատուցման, անվանական կրթաթոշակների հատկացման կարգը և պայմանները, պետության կողմից տրվող ուսանողական նպաստների լրիվ փոխհատուցումը և փոխատեղման ընթացակարգը:
2. Սույն քաղաքականության և ընթացակարգի համար իրավական հիմք են հանդիսանում «Կրթության մասին», «Բարձրագույն և հետբուհական մասնագիտական կրթության մասին» Հայաստանի Հանրապետության օրենքները, Հայաստանի Հանրապետության 2006թ. հուլիսի 23-ի N 1183-Ն որոշմամբ հաստատված «Հայաստանի Հանրապետության բարձրագույն ուսումնական հաստատություններում ուսանողական նպաստ և պետական կրթաթոշակ տալու» կարգը և Ինստիտուտի կանոնադրությունը:
3. Սույն քաղաքականության և ընթացակարգի գործողությունը տարածվում է վճարովի համակարգում սովորողների (բակալավր, մագիստրատուրա, ասպիրանտուրա, հայցորդություն) վրա:
4. Ինստիտուտում գործում է ուսանողական նպաստի տեսքով ուսման վճարի լրիվ և մասնակի փոխհատուցման Համակարգ 1-ը և մասնակի փոխհատուցման՝ Համակարգ 2-ը:
5. Ուսանողական նպաստը սովորողի ուսման վճարի (լրիվ կամ մասնակի) փոխհատուցում է, որն տրվում է Ինստիտուտի բյուջեի միջոցների, ինչպես նաև Հայաստանի Հանրապետության օրենսդրությամբ չարգելված այլ աղբյուրների հաշվին:
6. Սույն քաղաքականության և ընթացակարգի 31-րդ կետով, ինչպես նաև այլ իրավական ակտերով սահմանված մի քանի արտոնություններին հավակնելու դեպքում ուսանողը կարող է օգտվել դրանցից միայն մեկից, որի դեպքում կիրառվում է մասնակի փոխհատուցման առավելագույն չափը:

7. Անհարգելի պատճառներով (անբավարար գնահատական ստանալու կամ անհարգելի պատճառով քննությանը չներկայանալու դեպքերում) ակադեմիական պարտքերի մարման շրջանում քննություններ հանձնած ուսանողները, ինչպես նաև ուսման վարձավճարի պարտք ունեցող ուսանողները ուսման վարձավճարի լրիվ կամ մասնակի փոխհատուցման իրավունքից չեն օգտվում:
8. Ուսման վճարի մասնակի փոխհատուցման իրավունք ունեցող ուսանողը կորցնում է արտոնությունը, եթե.
 - 1) ունի ուսման վարձավճարի նախորդ տարվա (ների) պարտք.
 - 2) նախորդ ուսումնական տարում (քննաշրջանում՝ առանց վերահանձնումների) ունեցել է անհարգելի պատճառներով գոյացած ակադեմիական պարտք:
9. Ըստ առաջադիմության՝ ՄՈԳ-երի ցուցակները տրամադրվում են Ուսումնագիտական բաժնի կողմից:
10. Ցուցակները քննարկվում է ֆակուլտետների խորհուրդների նիստերում և հաստատվում ռեկտորի հրամանով: Ռեկտորի կողմից հաստատված ցուցակները հրապարկվում են Ինստիտուտի կայք էջում, Ինստիտուտի ֆակուլտետների մոտ տեղադրված ցուցատախտակներում և սոցիալական ցանցերում:
11. Ցուցակներում անճշտություններ, վրիպակներ, սխալներ, ինչպես նաև սույն քաղաքականության և ընթացակարգի դրույթների խախտումներ հայտնաբերելիս ռեկտորը իրավասու է տվյալ մասնագիտության նպաստառուների ցուցակը հետ վերադարձնել՝ նոր մրցույթ կազմակերպելու համար: Անճշտություններ, վրիպումներ, սխալներ և ընթացակարգային խախտումներ թույլ տված անձինք ենթակա են կարգապահական պատասխանատվության:
12. Ուսումնառությունն ընդհատած (ժամկետային զինձառայության զորակոչվելու, առողջական վիճակի պատճառով ակադեմիական արձակուրդում գտնվելու, հղիության և ծննդաբերության, ինչպես նաև մինչև 3 տարեկան երեխայի խնամքի դեպքերում) ուսանողը վերականգնվելիս պահպանում է նախկինում ունեցած ուսանողական նպաստ ստանալու իրավունքը (Հայաստանի Հանրապետության պետական բյուջեով նախատեսված ուսանողական նպաստ ստացողների ընդհանուր թվաքանակի շրջանակներում):

2. ՏԵՍԱԿԱՆԸ, ՍԿԶԲՈՒՆՔՆԵՐԸ, ՆՊԱՏԱԿՆԵՐՆ ՈՒ ԽՆԴԻՐՆԵՐԸ

13. **Տեսչականը**

Ուսանողության շրջանում ձևավորել, մրցակցության պայմաններում, ըստ առաջադիմության գնահատված լինելու համոզմունքը:

14. **Սկզբունքները**

Ինստիտուտը սույն քաղաքականությունը և ընթացակարգն իրականացնելիս առաջնորդվում է արդարության, օրինականության, օբյեկտիվության, թափանցիկության և հասարակական պատասխանատվության սկզբունքներով:

15. **Նպատակը**

Նպաստել ուսանողության առաջադիմության բարձրացմանը, կրթական, հետազոտական, հասարակական աշխատանքներում ակտիվ ներգրավվածությանը:

16. **Խնդիրները**

16.1 ապահովել կրթության արդար մրցակցության պայմաններ,

16.2 ներդնել ուսանողական նպաստների և անվանական կրթաթոշակների էլեկտրոնային հայտերի ընդունման համակարգ,

16.3 ներդնել ուսանողական նպաստների և անվանական կրթաթոշակների հատկացման թափանցիկ և հաշվետու համակարգ:

3. ՊԵՏՈՒԹՅԱՆ ԿՈՂՄԻՑ ՏՐԿՈՂ ՈՒՍԱՆՈՂԱԿԱՆ ՆՊԱՍՆԵՐԻ ԼՐԻՎ ՓՈԽՀԱՏՈՒՑՈՒՄԸ ԵՎ ՓՈԽԱՏԵՂՄԱՆ (ռոտացիա) ԸՆԹԱՑԱԿԱՐԳԸ

17. Հայաստանի Հանրապետության կառավարությունը յուրաքանչյուր տարի Հայաստանի Հանրապետության տվյալ տարվա պետական բյուջեով բարձրագույն ուսումնական հաստատությունների համար նախատեսված միջոցների սահմաններում, ըստ բուհերի և մասնագիտությունների, բաշխում է պետության կողմից տրվող ուսանողական նպաստների քանակը (անվճար տեղեր), որը տեղափոխվում է կուրսից կուրս:
18. Առաջին կուրսում ուսանողական նպաստի ձևով ուսման վճարի լրիվ կամ մասնակի փոխհատուցում տրամադրվում է Ինստիտուտի ընդունելության կանոններով սահմանված կարգով Ինստիտուտ ընդունված ուսանողներին:
19. Հաջորդ կուրսերում ուսանողական նպաստի ձևով ուսման վճարի լրիվ փոխհատուցում տրվում է մեկ ուսումնական տարվա քննությունների (ստուգարքների) արդյունքներով առավել բարձր առաջադիմություն ունեցող ուսանողներին՝ մրցույթային հիմունքներով:
20. Մրցույթային հիմունքներով փոխատեղումն իրականացվում է հետևյալ չափանիշների առաջնահերթությամբ.
 - 1) նախորդ ուսումնական տարվա քննությունների արդյունքներով առավել բարձր առաջադիմության ՄՈԳ–ով և առանց վերահանձնումների (անհարգելի բացակայություն),
 - 2) հավասար պայմանների դեպքում երկրորդ կուրսում առավելությունը տրվում է առաջին կուրսի վերջին կիսամյակի քննաշրջանի արդյունքում առավել բարձր առաջադիմության ՄՈԳ–ով ուսանողներին և առանց վերահանձնումների (անհարգելի բացակայություն),
 - 3) հաջորդ կուրսերում՝ նախորդ ուսումնական տարվա, իսկ վերջինիս հավասարության դեպքում՝ դրան նախորդող ուսումնական տարվա քննությունների (ստուգարքների) արդյունքներով առավել բարձր առաջադիմության ՄՈԳ–ով ուսանողներին և առանց վերահանձնումների (անհարգելի բացակայություն):
21. Ուսանողների փոխատեղումն իրականացվում է յուրաքանչյուր տարի, ուսումնական գործընթացն սկսելուց հետո մեկ շաբաթվա ընթացքում:
22. Փոխատեղման ենթակա ուսանողների ցուցակները կազմում և ռեկտորի հաստատմանն է ներկայացնում Ուսումնագիտական բաժինը: Փոխատեղման ցուցակների հիման վրա ռեկտորը տալիս է հրաման:

4. ԲԱԿԱԼԱՎՐԻ ԵՎ ՄԱԳԻՍՏՐԱՏՈՒՐԱՅԻ ՈՒՍՄԱՆ ՎՃԱՐԻ ՓՈԽՀԱՏՈՒՑՄԱՆ (ԼՐԻՎ ԵՎ ՄԱՍՆԱԿԻ) ԸՆԹԱՑԱԿԱՐԳԸ (Համակարգ 1)

23. Համակարգ 1-ը ներառում է փոխհատուցման երկու մակարդակ, որը վերաբերվում է առկա ուսուցման համակարգում սովորող ուսանողներին ըստ առաջադիմության.
 - 1) բարձր առաջադիմությամբ (ՄՈԳԻ շեմը 96-100) սովորող ուսանողներին՝ (բակալավր և մագիստրատուրա) 100 տոկոս.
 - 2) բարձր առաջադիմությամբ (ՄՈԳԻ շեմը 90-95) սովորող ուսանողներին՝ (բակալավր և մագիստրատուրա) 75 տոկոս.
24. Սույն քաղաքականության և ընթացակարգի 23-րդ կետի 1) և 2) ենթակետերում նշված փոխհատուցման շեմերի տարեկան հատկացման քանակային տեղերը սահմանվում են

Ինստիտուտի Գիտական խորհրդի կողմից ուսումնական տարին սկսվելուց առնվազն 1 ամիս առաջ:

25. Սույն քաղաքականության և ընթացակարգի 23-րդ կետի 1) և 2) ենթակետերում լրիվ և մասնակի փոխհատուցման համակարգերը կիրառելի են այն մասնագիտությունների դեպքում, որտեղ տարեկան կտրվածքով պետության կողմից հատկացված չեն ուսման վճարի լրիվ փոխհատուցման տեղեր:
26. Համակարգ 1-ի ուսման վճարի լրիվ կամ մասնակի փոխհատուցումը տրվում է տարին մեկ անգամ՝ նախորդ տարվա առաջադիմության արդյունքների և Գիտական խորհրդի կողմից հաստատված քանակային տեղերի սահմաններում:
27. Սույն քաղաքականության և ընթացակարգի 23-րդ կետում նախատեսված լրիվ և մասնակի ուսման վճարի փոխհատուցման ժամանակ, բարձր առաջադիմության հավասար պայմանների դեպքում, առաջնությունը տրվում է այն ուսանողներին, ովքեր ունեն սոցիալական անապահովություն կամ գիտահետազոտական աշխատանքների ակտիվ մասնակցություն (հանդիսանում է ուսանողական գիտական ընկերության անդամ, ունի գիտահետազոտական թեմա, հանդես է գալիս գիտական կամ հետազոտական ելույթներով Ինստիտուտի ուսանողական գիտական ժողովներին, մասնակցում է Ինստիտուտի կողմից կազմակերպված գիտական, հետազոտական սեմինարներին, աշխատաժողովներին) կամ աշխարհի և Եվրոպայի առաջնություններում զբաղեցրել են 1-3 տեղեր կամ գործազուրկ կամ հաշմանդամ ծնողներ, բազմազավակ (4 և ավել) ընտանիք կամ Ինստիտուտի ուսումնական, հետազոտական և գիտական գործընթացներում ցուցաբերած աջակցություն կամ մասնակցություն:
28. Ուսման վճարի լրիվ և մասնակի փոխհատուցման վերաբերյալ ռեկտորի հրամանը տրվում է յուրաքանչյուր տարվա ուսումնական տարվա 1-ին կիսամյակին, ուսումնական տարվա առկա ուսուցման պարապմունքները սկսելուց հետո երկու շաբաթվա ընթացքում:
29. Համակարգ 1-ի փոխհատուցման մակարդակները գործում են բակալավրի 1-ին կուրսից մինչև 4-րդ կուրս և մագիստրատուրայի 1-ին կուրս սովորողների համար: Բակալավրի 1-ին կուրսում ՄՈԳ-ի փոխարեն հիմք է ընդունվում ընդունելության քննությունների արդյունքները:
30. Մագիստրատուրայի 1-ին կուրսում առաջադիմության հիմք է ընդունվում բակալավրի 4-րդ կուրսի ՄՈԳ-ի և ամփոփիչ ատեստավորման արդյունքների միջինացված արդյունքը, իսկ դրանց հավասարության դեպքում՝ նախորդող տարիների առաջադիմության արդյունքները:

5. ԲԱԿԱԼԱՎՐԻ ԵՎ ՄԱԳԻՍՏՐԱՏՈՒՐԱՅԻ ՈՒՍՄԱՆ ՎՃԱՐԻ ՄԱՍՆԱԿԻ ՓՈԽՀԱՏՈՒՑՄԱՆ ԸՆԹԱՑԱԿԱՐԳԸ (Համակարգ 2)

31. Ինստիտուտի վճարովի համակարգում սովորող ուսանողական համակազմի առնվազն տասը տոկոսին՝ ուսանողների վարձավճարներից գոյացած բյուջեի առնվազն յոթ տոկոսի չափով, Ինստիտուտի միջոցների հաշվին՝ հիմք ընդունելով բարձր առաջադիմությունը (85 և ավել ՄՈԳ) և սոցիալական խումբը, իրականացնում է ուսանողական նպաստի ձևով ուսման վճարի մասնակի փոխհատուցում հետևյալ կարգավիճակ ունեցող ուսանողներին.
 - 1) սոցիալապես անապահով (ընտանիքների անապահովության գնահատման համակարգում հաշվառված անապահովության 0 միավորից բարձր միավոր ունեցող ընտանիքների) ուսանողներին՝ 20 տոկոս.
 - 2) սոցիալապես անապահով (ընտանիքների անապահովության սահմանային միավորից բարձր միավոր ունեցող ընտանիքների) ուսանողներին՝ 30 տոկոս.
 - 3) 18 տարին լրանալուց հետո առանց ծնողական խնամքի մնացած ուսանողներին մինչև 23 տարին լրանալը՝ 50 տոկոս.

- 4) 23 տարին չլրացած միակողմանի ծնողազուրկ (միածնող) ուսանողներին՝ 50 տոկոս.
 - 5) մինչև մեկ տարեկան երեխա ունեցող ուսանողներին՝ 50 տոկոս.
 - 6) հեռակա ուսուցման համակարգում սովորող երկու և ավելի անչափահաս կամ երեք և ավելի ուսանող երեխա ունեցող ընտանիքների ուսանողներին՝ 50 տոկոս.
 - 7) 1-ին կամ 2-րդ խմբի հաշմանդամ, այդ թվում՝ հաշմանդամ ազատամարտիկ ծնող ունեցող ուսանողներին՝ 30 տոկոս.
 - 8) մարտական հերթապահություն իրականացնող զորամասերում մարտական հերթապահության մեջ ընդգրկված պարտադիր ժամկետային զինվորական ծառայություն անցած ուսանողներին՝ 30 տոկոս.
 - 9) ուսանողական նպաստների համակարգում չընդգրկված երկու կիսամյակ անընդմեջ առավել բարձր առաջադիմություն ցուցաբերած ուսանողներին, որոնք ուսանողական նպաստի ձևով ուսման վճարի փոխհատուցման համար անցկացված փոխատեղման մրցույթի արդյունքում զրկվել են նպաստի իրավունքից մինչև 0.1 միավոր տարբերությամբ՝ 50 տոկոս.
 - 10) վճարովի ուսուցման համակարգում երկու և ավելի ուսանող երեխա ունեցող կամ ընտանիքի երկու և ավելի անդամ ուսանողներին՝ 30 տոկոս.
 - 11) Ինստիտուտում առնվազն 10 տարվա անընդմեջ աշխատանքային ստաժ ունեցող հիմնական աշխատող կամ հիմնական աշխատողի երեխա ուսանողներին՝ 30 տոկոս.
 - 12) աշխարհի, եվրոպայի առաջնություններում 1-ից 3-րդ տեղերը գրաված ուսանողներին (բոլոր տարիքային խմբերում)՝ 50 տոկոս
 - 13) աշխարհի, եվրոպայի առաջնություններում 4-7-րդ տեղերը գրաված ուսանողներին (բոլոր տարիքային խմբերում)՝ 30 տոկոս
 - 14) առանձնահատուկ դեպքերում, Ինստիտուտի ռեկտորի որոշմամբ այլ կարգավիճակ ունեցող ուսանողներին՝ 30 տոկոս:
32. Բացառություն են կազմում Ինստիտուտի առկա և հեռակա ուսուցմամբ բակալավրի և մագիստրոսի կրթական ծրագրում ընդգրկված այն ուսանողները, ովքեր Հայաստանի Հանրապետության զինված ուժերում 2016 թվականի ապրիլի 2-6-ն ընկած ժամանակահատվածում մասնակցել են մարտական գործողություններին կամ իրականացրել են մարտական հերթապահություն (զինվորական գրքույկում համապատասխան նշման առկայությամբ), որոնց համար միջին որակական գնահատականի նվազագույն շեմը սահմանվում է 70, իսկ փոխհատուցումը՝ 30 տոկոս:
33. Սույն քաղաքականության և ընթացակարգի 31-րդ կետի 1-15-րդ ենթակետերով և 32-րդ կետով սահմանված դեպքերում ուսման վճարի մասնակի փոխհատուցումը կիրառվում է յուրաքանչյուր կիսամյակ: Իսկ 31-րդ կետի 14-րդ կետը տարեկան կտրվածքով:
34. Բակալավրի կրթական ծրագրով ընդունված առաջին կուրսի ուսանողները ուսման վճարի մասնակի փոխհատուցման իրավունքից կարող են օգտվել միայն ուսումնառության երկրորդ կիսամյակից սկսած:
35. Ինստիտուտը տվյալ տարվա ուսանողական նպաստի ձևով ուսման վարձի մասնակի փոխհատուցման տրամադրման վերաբերյալ մինչև հաջորդ տարվա ապրիլի 1-ը հաշվետվություն է ներկայացնում Հայաստանի Հանրապետության կրթության, գիտության, մշակույթի և սպորտի բնագավառի պետական կառավարման լիազորված մարմին:
36. Մասնակի փոխհատուցման դիմումները և պահանջվող փաստաթղթերը (թղթային կամ էլեկտրոնային) ներկայացվում են Ինստիտուտի ուսումնագիտական բաժին՝ ուսումնական տարվա յուրաքանչյուր կիսամյակի ուսումնական պարապմունքների սկզբին նախորդող և հաջորդող երկու շաբաթների ընթացքում:
37. Նպաստառու ուսանողի սոցիալական վիճակի փոփոխության դեպքում Ինստիտուտի կողմից տրամադրվող ուսանողական նպաստը կարող է փոփոխվել:
38. Երկու և ավելի կարգավիճակների համապատասխանող ուսանողների համար կիրառվում է մասնակի փոխհատուցման առավելագույն չափ նախատեսող դրույթը:

39. 31-րդ կետի 2-րդ, 6-9-րդ, 12-րդ ենթակետերի և 32-րդ կետի դեպքում դիմումին հետ պահանջվող փասթաթղթերը ուսանողը ներկայացնում է տարին մեկ անգամ ուսումնական տարվա առաջին կիսամյակի ուսումնական պարապմունքների սկզբին նախորդող և հաջորդող երկու շաբաթների ընթացքում:
40. Մագիստրատուրայի 1-ին կուրսում առաջադիմության հիմք է ընդունվում բակալավրի 4-րդ կուրսի ՄՈԳ-ի և ամփոփիչ առեստավորման արդյունքների միջինացված արդյունքը, իսկ դրանց հավասարության դեպքում՝ նախորդող տարիների առաջադիմության արդյունքները:
41. Ուսման վարձավճարի մասնակի փոխհատուցում տրամադրվում է նախորդ կիսամյակի առաջադիմության ամփոփ արդյունքների (միջին որակական գնահատականի (ՄՈԳ) հիման վրա:
42. Եթե վերոնշյալ կարգով համեմատության դեպքում ևս ուսանողների առաջադիմության միջին ցուցանիշները հավասար են, ապա ուսման վարձավճարի մասնակի փոխհատուցման դեպքում առավելությունը տրվում է ընդհանուր մասնագիտական և մասնագիտացման դասընթացների քննություններից առավել բարձր ընդհանուր միջին միավոր ունեցող ուսանողին: Նշված ցուցանիշի հավասարության դեպքում հաշվի են առնվում.
- 1) բակալավրիատի ուսանողների համար՝ նշված դասընթացներից յուրաքանչյուրից ստացված միջին միավորները՝ ըստ վերոնշյալ հերթականության.
 - 2) մագիստրատուրայի ուսանողների համար՝ մասնագիտացման առարկաներից ստացված միջին միավորները:
43. Վերականգնված, այլ բուհերից, Ինստիտուտի այլ մասնագիտություններից կամ հեռակա ուսումնառության համակարգից առկա, կամ առկա ուսումնառության համակարգից հեռակա ուսումնառության համակարգ տեղափոխված ուսանողները, ուսման վճարի լրիվ փոխհատուցման իրավունքից կարող են օգտվել Ինստիտուտում տվյալ մասնագիտությունում, մեկ տարի սովորելուց հետո:

6. ԱՍՊԻՐԱՆՏՆԵՐԻ ԵՎ ՀԱՐՅՑՈՐԴՆԵՐԻ ՈՒՍՄԱՆ ՎՃԱՐԻ ՄԱՍՆԱԿԻ ՓՈԽՀԱՏՈՒՑՄԱՆ ԸՆԹԱՑԱԿԱՐԳԸ ԵՎ ԱՌԱՆՁՆԱՀԱՏԿՈՒԹՅՈՒՆՆԵՐԸ

44. Վճարովի համակարգում սովորող ասպիրանտների և հայցորդների համար գործում է 50% և 75 % ուսման վարձի փոխհատուցման համարկարգը, եթե վերջիններս բավարարում են հետևյալ պայմանների.
- 1) միաժամանակ ունեն բարձր առաջադիմություն և գտնվում են սոցիալապես անապահով վիճակում (գործազուրկ են կամ ունեն երեքից ավել անչափահաս երեխա, կամ հաշմանդամ կամ խնամքի ենթակա ծնողներ կամ երկկողմանի ծնողազուրկ են).
 - 2) ունեն ավելի քանի 5 տարվա ներդրում Ինստիտուտի ուսումնագիտական գործունեության մեջ, միջազգային հեղինակավոր ամսագրերում (web of science, scopus) հրատարակել են գիտահետազոտական աշխատանքներ:
45. Ասպիրանտի կամ հայցորդի ուսման վճարի մասնակի փոխհատուցումն իրականացվում է տարին մեկ անգամ:
46. Մասնակի փոխհատուցման դիմումները և պահանջվող փասթաթղթերը (թղթային կամ էլեկտրոնային) ներկայացվում են Ինստիտուտի ուսումնագիտական բաժին՝ յուրաքանչյուր տարվա հոկտեմբերի 30-ը ներառյալ:
47. Ասպիրանտների և հայցորդների ուսման վճարի մասնակի փոխհատուցումը հատկացվում է ռեկտորի հրամանով ուսումնագիտական բաժնի կողմից ներկայացված դիմումների և սույն քաղաքականությամբ և ընթացակարգով պահանջվող փասթաթղթերի հիման վրա:

7. ԱՆՎԱՆԱԿԱՆ ԿՐԹԱԹՈՇԱԿՆԵՐԻ ՀԱՏԿԱՑՄԱՆ ԸՆԹԱՑԱԿԱՐԳԸ

48. Ինստիտուտն իրավասու է սեփական և Հայաստանի Հանրապետության օրենսդրությամբ չարգելված այլ միջոցների հաշվին սահմանել անվանական կրթաթոշակներ:
49. Անվանական կրթաթոշակները տրվում են մրցութային կարգով և վերանայվում յուրաքանչյուր ուսումնական տարվա ավարտից հետո:
50. Անվանական կրթաթոշակ նշանակվում է առկա ուսուցման համակարգի բակալավրիատի առավել աչքի ընկնող, վերջին 4 կիսամյակում անընդմեջ գերազանց առաջադիմություն ունեցող, հետազոտական, հասարակական ակտիվություն ցուցաբերած, սպորտային հաջողություններ գրանցած ուսանողներին: Մագիստրատուրայի ուսանողների դեպքում հաշվի են առնվում նաև բակալավրիատում ցուցաբերած առաջադիմության արդյունքները, գիտահետազոտական (գիտահետազոտական ակտիվություն է համարվում ուսանողական գիտական ընկերության անդամ լինելը, գիտահետազոտական թեմա ունենալը, Ինստիտուտի ուսանողական գիտական ժողովներին գիտական կամ հետազոտական ելույթներով հանդես գալը, Ինստիտուտի կողմից կազմակերպված գիտական, հետազոտական սեմինարներին, աշխատաժողովներին մասնակցությունը), ցուցաբերած հասարակական ակտիվությունը և գրանցած սպորտային հաջողությունները:
51. Անվանական կրթաթոշակի հավակնորդ ուսանողների թեկնածությունները քննարկում են ֆակուլտետների խորհուրդները, որի վերաբերյալ հիմնավորված եզրակացություն են ներկայացնում Ինստիտուտի Գիտական խորհուրդ հաստատման:
52. Գիտական խորհուրդը բաց քվեարկությամբ, ձայների պարզ մեծամասնությամբ հաստատում է անվանական կրթաթոշակները, որի հիման վրա Ինստիտուտի ռեկտորը տալիս է համապատասխան հրաման:
53. Անվանական կրթաթոշակից զրկելը կատարվում է Գիտական խորհրդի որոշմամբ: Ուսանողը զրկվում է նշանակված անվանական կրթաթոշակից, եթե ուսումնական կիսամյակի ավարտին չի համապատասխանում սույն կանոնակարգի 50-րդ կետով սահմանված չափանիշներին:
54. Անվանական կրթաթոշակի կարող են հավակնել անվճար և վճարովի համակարգի ուսանողները:
55. Անվանական կրթաթոշակը կարող է սահմանվել մեծ ավանդ ունեցող մարզիկների, մարզիչների, գիտության, կրթության և հասարակական անվանի գործիչների անունով:
56. Բարերարների կողմից տրված կրթաթոշակները կարող են տրամադրել իրենց կողմից սահմանված կարգով:

8. ԱՆԱՑՈՒՄԱՅԻՆ ԴՐՈՒՅԹՆԵՐ

57. 2021-2022 ուսումնական տարվանից լրիվ և մասնակի ուսման վարձի փոխհատուցման դիմումները ներկայացվելու են Ինստիտուտ դիմումների տրման էլեկտրոնային համակարգի միջոցով:
58. Սույն քաղաքականության և ընթացակարգի 4-րդ գլուխն ուժի մեջ է մտնում 2021-2022 ուսումնական տարվանից:

9. ԵԶՐԱՓՈՒԿԻՉ ԴՐՈՒՅԹՆԵՐ

59. Սույն քաղաքականությամբ և ընթացակարգով ուժը կորցրած ճանաչել «Հայաստանի ֆիզիկական կուլտուրայի եվ սպորտի պետական ինստիտուտ» հիմնադրամի ռեկտորի

ռեկտորի 2017 թվականի մայիսի 19–ի N 115 հրամանը և 2018 թվականի օգոստոսի 27-ի N 04 հրամանը:

60. Սույն քաղաքականությունն ու ընթացակարգն ուժի մեջ է մտնում Գիտական խորհրդի կողմից հաստատվելու պահից:
61. Սույն քաղաքականության և ընթացակարգի լրացումները, փոփոխությունները և օրինակելի ձևերը հանդիսանում են քաղաքականության և ընթացակարգի անբաժանելի մասը:
62. Լրիվ կամ մասնակի ուսման վճարի փոխհատուցման համար հիմք են հանդիսանում բարձր առաջադիմությունը և մրցակցությունը՝ հաստատված սահմանաքանակների շրջանակներում:

**ԳԻՏԱԿԱՆ ԽՈՐՀՐԴԻ ՆԱԽԱԳԱՀ
ԴԱՎԻԹ ԽԻԹԱՐՅԱՆ**

_____ 2020թ.

ԵՐԵՎԱՆ

**ԲԱԿԱԼԱՎՐԻ ԿԱՄ ՄԱԳԻՍՏՐԱՏՈՒՐԱՅԻ
ՄԱՍՆԱԿԻ ՓՈԽՀԱՏՈՒՑՄԱՆ ՕՐԻՆԱԿԵԼԻ ԴԻՄՈՒՄ
(Համակարգ 2-ի դեպքում)**

«Հայաստանի ֆիզիկական կուլտուրայի և սպորտի
պետական ինստիտուտ» հիմնադրամի
ռեկտոր (Ժամանակավոր պաշտոնակատար)

_____ անուն, ազգանուն

նույն ինստիտուտի _____ կրթական ծրագրի
(բակալավր, մագիստրատուրա)

_____ ուսուցման, _____ կուրսի, _____ խմբի
(առկա, հեռակա)

_____ մասնագիտությամբ,

_____ մասնագիտացմամբ

_____ -ից
(ուսանողի անուն, ազգանուն, հայրանուն)

**ԲԱԿԱԼԱՎՐԻ ԿԱՄ ՄԱԳԻՍՏՐԱՏՈՒՐԱՅԻ
ՈՒՍՄԱՆ ՎՃԱՐԻ ՄԱՍՆԱԿԻ ՓՈԽՀԱՏՈՒՑՄԱՆ ԴԻՄՈՒՄ**

Համաձայն «Հայաստանի ֆիզիկական կուլտուրայի և սպորտի պետական ինստիտուտ»
հիմնադրամի Վճարովի համակարգում սովորողների ուսման վճարի (լրիվ եվ մասնակի),
պետության կողմից ուսման վարձավճարի լրիվ փոխհատուցման (փոխատեղման) եվ
անվանական կրթաթոշակների հատկացման քաղաքականության և ընթացակարգի _____
կետի՝ խնդրում եմ քննարկել ուսման վճարիս փոխհատուցման չափը _____ կիսամյակի կամ
20— – 20— ուսումնական տարվա համար:

Կից ներկայացնում եմ.¹

- 1. անձնագրի (նույնականացման քարտի, սոցիլական քարտի) պատճենները
- 2. _____
- 3. _____
- 4. _____

Դիմող՝ _____
ստորագրություն

_____ անուն, ազգանուն

«————» ————— 20—— թ.

¹ Ներկայացվում են այն փաստաթղթերի պատճենները, որոնք հավաստում են քաղաքականության և ընթացակարգի որևէ կետով
համապատասխանելու և ուսման վճարի մասնակի փոխհատուցում ստանալու իրավունքը:

ԲԱԿԱԼԱՎՐԻ ԿԱՄ ՄԱԳԻՍՏՐԱՏՈՒՐԱՅԻ
ՈՒՍՄԱՆ ՎՃԱՐԻ ՄԱՍՆԱԿԻ ՓՈԽՀԱՏՈՒՑՄԱՆ ԱՌԱՋԱԴԻՄՈՒԹՅԱՆ
ՏԵՂԵԿԱՆՔ
(Համակարգ 2-ի դեպքում)

1-ին ԿՈՒՐՍ		2-րդ ԿՈՒՐՍ		3-րդ ԿՈՒՐՍ		4-րդ ԿՈՒՐՍ		5-րդ ԿՈՒՐՍ	
1-ին կիս.ՄՈԳ	2-րդ կիս.ՄՈԳ	3-րդ կիս.ՄՈԳ	4-րդ կիս.ՄՈԳ	5-րդ կիս.ՄՈԳ	6-րդ կիս.ՄՈԳ	7-րդ կիս.ՄՈԳ	8-րդ կիս.ՄՈԳ	9-րդ կիս.ՄՈԳ	10-րդ կիս.ՄՈԳ

Ուսման վճարի մասնակի փոխհատուցման տոկոսաչափը՝ _____ %

Պաշտոն	Ստորագրություն	Անուն, ազգանուն
Ուսումնագիտական բաժնի ղեկավար		
Ֆակուլտետի պատասխանատու		
Հաշվապահ		

**ԱՍՊԻՐԱՆՏՈՒՐԱՅԻ ԿԱՄ ՀԱՅՅՈՐԴՈՒԹՅԱՆ ՄԱՍՆԱԿԻ ՓՈԽՀԱՏՈՒՑՄԱՆ
ՕՐԻՆԱԿԵԼԻ ԴԻՄՈՒՄ**

«Հայաստանի ֆիզիկական կուլտուրայի և սպորտի
պետական ինստիտուտ» հիմնադրամի
ռեկտոր (Ժամանակավոր պաշտոնակատար)

_____ անուն, ազգանուն
նույն ինստիտուտի _____ կրթական ծրագրի
(բակալավր, մագիստրատուրա)
_____ ամբիոնի, ասպիրանտ/հայցորդ
_____ -ից
(սովորողի անուն, ազգանուն, հայրանուն)

**ԱՍՊԻՐԱՆՏՈՒՐԱՅԻ ԿԱՄ ՀԱՅՅՈՐԴՈՒԹՅԱՆ ՈՒՍՄԱՆ ՎՃԱՐԻ ՄԱՍՆԱԿԻ
ՓՈԽՀԱՏՈՒՑՄԱՆ ԴԻՄՈՒՄ**

Համաձայն «Հայաստանի ֆիզիկական կուլտուրայի և սպորտի պետական ինստիտուտ»
հիմնադրամի Վճարովի համակարգում սովորողների ուսման վճարի (լրիվ եվ մասնակի),
պետության կողմից ուսման վարձավճարի լրիվ փոխհատուցման (փոխատեղման) եվ
անվանական կրթաթոշակների հատկացման քաղաքականության և ընթացակարգի _____
կետի՝ խնդրում եմ քննարկել ուսման վճարիս փոխհատուցման չափը _____20— - 20—
ուսումնական տարվա համար:

Կից ներկայացնում եմ.²

- 5. անձնագրի (նույնականացման քարտի, սոցիլական քարտի) պատճենները
- 6. _____
- 7. _____
- 8. _____

Դիմող՝ _____ ստորագրություն _____ անուն, ազգանուն

«————» ————— 20 ——— թ.

² Ներկայացվում են այն փաթեթաթղթերի պատճենները, որոնք հավաստում են քաղաքականության և ընթացակարգի որևէ կետով
համապատասխանելու և ուսման վճարի մասնակի փոխհատուցում ստանալու իրավունքը:

ԱՆՎԱՆԱԿԱՆ ԿՐԹԱԹՈՇԱԿ ՀԱՏԿԱՑՆԵԼՈՒ ՎԵՐԱԲԵՐՅԱԼ ԵԶՐԱԿԱՑՈՒԹՅՈՒՆՑ³

Հիմք ընդունելով «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի Վճարովի համակարգում սովորողների ուսման վճարի (լրիվ եվ մասնակի), պետության կողմից ուսման վարձավճարի լրիվ փոխհատուցման (փոխատեղման) և անվանական կրթաթոշակների հատկացման քաղաքականության և ընթացակարգի 7--րդ գլխի դրույթները, ներքոնշյալ ուսանողը (ները)

1. _____
Անուն, ազգանուն, հայրանուն, կուրս, մասնագիտություն, բակալավր/մագիստրատուրա
2. _____
Անուն, ազգանուն, հայրանուն, կուրս, մասնագիտություն, բակալավր/մագիստրատուրա

4 կիսամյակում անընդմեջ ունեն գերազանց առաջադիմություն, ցուցաբերել են հասրակական ակտիվություն (օրինակ՝ մասնակցել են Ինստիտուտի կողմից կազմակերպվող միջոցառումներին, եղել են կազմակերպիչ, կամ մասնակից, ներկայացրել են Ինստիտուտի նախաձեռնությունները ՀՀ-ում, ուսանողներին նվիրված միջոցառումներում մեծ ներդրում են ունեցել, Ինստիտուտի անունից քարոզել են առողջ ապրելակերպը և ֆիզիկական ակտիվությունը և այլն), կամ ակտիվ մասնակցություն են ունեցել իրենց մասնագիտության հետ կապ ունեցող հետազոտական աշխատանքներում, տպագրել են հետազոտական կամ գիտական հոդվածներ ազգային և միջազգային պարբերականներում, ներկայացրել են ուսումնական գործընթացի բարեփոխումների առաջարկներ Ինստիտուտի ղեկավարությանը և այլն, ազգային և միջազգային մակարդակով իրենց մասնագիտության հետ կապված գրանցել են սպորտային հաջողություններ:

Եզրակացության մեջ նշվող առաջադիմությունը, հետազոտական և հասրակական ակտիվությունը, սպորտային հաջողությունները հավաստող փասթաթղթերը կցվում են:

Եզրակացությունը կազմեցին _____
Ֆակուլտետի անվանում

Ֆակուլտետի խորհրդի նախագահը և անդամները:

Պաշտոն	Ստորագրություն	Անուն, ազգանուն
Ֆակուլտետի խորհրդի նախագահ		
Անդամ		

³ Եզրակացության տեքստը խորհրդատվական է և ուղենիշային: Այն կարող է լրացվել կամ փոփոխվել:

ԲԱԿԱԼԱՎՐԻ ԿԱՄ ՄԱԳԻՍՏՐԱՏՈՒՐԱՅԻ ՌԻՍՄԱՆ ՎՃԱՐԻ ՄԱՍՆԱԿԻ ՓՈԽՀԱՏՈՒՅՄԱՆ ՕՐԻՆԱԿԵԼԻ ՀՐԱՄԱՆ

«————»———— 20—թ.

N ____ -Լ

Հիմք ընդունելով «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի Վճարովի համակարգում սովորողների ուսման վճարի (լրիվ եվ մասնակի), պետության կողմից ուսման վարձավճարի լրիվ փոխհատուցման (փոխատեղման) եվ անվանական կրթաթոշակների հատկացման քաղաքականության և ընթացակարգի 10-րդ կետը,

_____ ֆակուլտետի խորհրդի
 ֆակուլտետի անվանումը

_____ թիվ — արձանագրությունը և
 ամսաթիվ

_____ ֆակուլտետի խորհրդի
 ֆակուլտետի անվանումը

_____ թիվ — արձանագրությունը և «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի կանոնադրության 56-րդ կետի 12-րդ ենթակետը.

ՀՐԱՄԱՅՈՒՄ ԵՄ՝

1. Առկա կամ հեռակա ուսուցման համակարգով սովորող ներքոնշյալ ուսանողների ուսման վարձավճարը 20— -20— ուսումնական տարվա — կիսամյակի համար մասնակի փոխհատուցել.

Հ / Հ	Անուն, ազգանուն, հայրանուն	Կուրս/խումբ	Մասնագիտություն	ՄՈԳ	Կես-ենթակետ	Փոխհատուցման %
1						
2						
3						

2. Հաշվապահությանը կատարել համապատասխան հաշվառում:
3. Սույն հրամանն ուժի մեջ է մտնում ստարգրման օրվանից:

ՌԵԿՏՈՐ (Ժամանակավոր պաշտոնակատար) ԱՆՈՒՆ, ԱԶԳԱՆՈՒՆ

ԱՆՎԱՆԱԿԱՆ ԿՐԹԱԹՈՇԱԿԻ ՏՐԱՄԱԴՐՄԱՆ ՕՐԻՆԱԿԵԼԻ ՀՐԱՄԱՆ

«—» — 20—թ.

N ___ -Լ

Հիմք ընդունելով «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի Վճարովի համակարգում սովորողների ուսման վճարի (լրիվ եվ մասնակի), պետության կողմից ուսման վարձավճարի լրիվ փոխհատուցման (փոխատեղման) եվ անվանական կրթաթոշակների հատկացման քաղաքականության և ընթացակարգի 49-րդ կետը, Ինստիտուտի գիտական խորհրդի _____ թիվ _____ արձանագրությունը և

ամսաթիվ

«Հայաստանի ֆիզիկական կուլտուրայի և սպորտի պետական ինստիտուտ» հիմնադրամի կանոնադրության 56-րդ կետի 12-րդ ենթակետը.

ՀՐԱՄԱՅՈՒՄ ԵՄ՝

1. Առկա ուսուցման համակարգով սովորող ներքոնշյալ ուսանողներին տրամադրել 20— - 20— ուսումնական տարվա համար անվանական կրթաթոշակ հետևյալ չափերով.

Հ / Հ	Անուն, ազգանուն, հայրանուն	Կուրս/խումբ	Մասնագիտություն	ՄՈԳ	Կետ-ենթակետ	Փոխհատուցման %
1						
2						
3						

2. Հաշվապահությանը կատարել համապատասխան հաշվառում:
3. Սույն հրամանն ուժի մեջ է մտնում ստորագրման օրվանից:

ՌԵԿՏՈՐ (Ժամանակավոր պաշտոնակատար)

ԱՆՈՒՆ, ԱԶԳԱՆՈՒՆ

ԱՍԴԻՐԱՆՏՆԵՐԻՆ ԿԱՄ ՀԱՅՅՈՐԴՆԵՐԻՆ ՈՒՍՄԱՆ ՎՃԱՐԻ ՄԱՍՆԱԿԻ ՓՈԽՀԱՏՈՒՑՄԱՆ ՕՐԻՆԱԿԵԼԻ ՀՐԱՄԱՆ

«————»———— 20—թ.

N ____ -Լ

Հիմք ընդունելով «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի Վճարովի համակարգում սովորողների ուսման վճարի (լրիվ եվ մասնակի), պետության կողմից ուսման վարձավճարի լրիվ փոխհատուցման (փոխատեղման) եվ անվանական կրթաթոշակների հատկացման քաղաքականության և ընթացակարգի 44-րդ կետը և «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի կանոնադրության 56-րդ կետի 12-րդ ենթակետը.

ՀՐԱՄԱՅՈՒՄ ԵՄ՝

1. _____ ամբիոնի ներքոնշյալ ասպիրանտ/հայցորդ -ին տրամադրել 20— -20— ուսումնական տարվա համար ուսման վճարի մասնակի փոխհատուցում հետևյալ չափերով.

Հ / Հ	Անուն, ազգանուն, հայրանուն	Ամբիոն	Մասնագիտություն	Կետ- ենթակ ետ	Փոխհատ ուցման %
1					
2					
3					

2. Հաշվապահությանը կատարել համապատասխան հաշվառում:
3. Սույն հրամանն ուժի մեջ է մտնում ստորագրման օրվանից:

ՌԵԿՏՈՐ (Ժամանակավոր պաշտոնակատար)

ԱՆՈՒՆ, ԱԶԳԱՆՈՒՆ